

中興禮書

中興禮書第四十一卷

吉禮四十一

郊祀恭謝二

淳熙十二年十月二日禮部太常寺言勘會昨淳熙九年明堂大禮畢車駕詣景靈宮行恭謝之禮并詣太一宮行恭謝燒香之禮准指揮恭謝景靈宮依四孟朝獻禮例分作三日其太一宮行禮令別擇日所有今來郊祀大禮畢車駕詣景靈宮行恭謝禮欲乞依上件禮例分作三日其太一宮行恭謝燒香之禮乞別擇日并依例差官分詣天慶觀報恩光孝觀詔依

十月二十七日禮部太常寺言太史局狀恭謝景靈宮宜用十二月十四日癸亥吉恭謝太一宮宜用十二月

二十日己巳吉勘會恭謝景靈宮例禮分作三日行禮
欲乞用十二月十四日十五日十六日其恭謝太一宮
條作一日乞敷奏取旨詔依

十一月五日太一宮言契勘淳熙九年恭謝本宮具目
子奏聞齋殿及降輦去處奉聖旨令本宮引儀鸞司于
崇真殿門東夾廊門絞縛齋殿一所及隨宜排辦幕次
所有今來郊祀大禮畢車駕詣宮行恭謝燒香之禮本
宮欲依淳熙九年禮例排辦施行詔依

十二月三日禮部太常寺官車駕詣景靈宮行恭謝之
禮合差進接茶酒侍臣二員依例降初于侍從兩省官
內差官施行並前一日齋于本司治事如故唯不判書
刑殺文書進茶酒侍臣一員合于十二月十三日十四

日十五日齋于本司係于十二月十四日詣前殿聖祖
天尊大帝中殿諸帝并十二月十五日詣後殿元天大
聖后并昭憲皇后至慈聖光獻皇后及十二月十六日
詣後殿宣仁聖烈皇后至顯仁皇后香案前俟使臣酌
茶酒畢接盞跪進皇帝接茶酒侍臣一員合于十二月
十三日十四日齋于本司係于十二月十四日詣前殿
聖祖天尊大帝并十二月十五日詣後殿元天大聖后
位前俟皇帝進茶酒畢接盞置于聖像前詔依
同日又言車駕詣太一宮行恭謝燒香之禮合差官二
員分詣天慶觀報恩光孝觀依在京禮例更不致齋是
日先赴起居訖免從駕徑赴逐處分詣燒香畢赴太一
宮幕次以俟從駕還內詔依

十二月六日閤門言檢會淳熙九年太一宮恭謝奉聖
旨依例對御賜酒所有今來太一宮恭謝對御賜酒取

聖旨詔依例對御賜酒

詳見淳熙三年恭謝門三

十二月十三日內侍黃鑄傳奉聖旨指揮今月十四日
十五日十六日為郊祀大禮畢車駕詣景靈宮恭謝并
二十日詣太一宮恭謝燒香為泥淨特改作今月二十
一日二十二日二十三日詣太一宮恭謝燒香今月十
四日特改作後殿坐餘依已降指揮施行

十二月十六日太常寺言十二月二十一日二十二日
二十三日詣景靈宮恭謝所有十二月二十三日係在
十二月二十五日饗太廟別廟致齋之內依禮例皇帝
不遊幸不作樂其十二月二十三日恭謝禮畢車駕回

合張樂欲乞設而不作詔依

十二月二十三日内侍黃鑄傳奉聖旨指揮今月二十三日車駕詣景靈宮恭謝為疾作令宰執分詣特作休務假

恭謝景靈宮儀

陳設

前期有司陳香案及供奉之物于聖像神御前

内第一日係前

殿聖祖天尊大帝并中殿諸帝神御第二日係後殿元天大聖后并昭憲皇后至慈聖光獻皇后神御第二日係後殿宣仁聖烈儀鸞司設皇帝褥位于殿東階之上皇后至顯仁皇后儀鸞司設皇帝褥位于殿東階之上西向及鋪設黃道褥并逐并案前褥位

恭謝

恭謝日質明皇帝服靴袍出内即御座鳴鞭行門禁衛

諸班親從等諸司祇應人員以下于後殿各自贊常起居次從駕臣僚并應奉前導陪位官并管軍于後殿起居如閣門儀訖先退以俟從駕俟皇帝自後殿乘輦出皇城北門將至景靈宮侍臣前導及陪位官于景靈宮櫺星門內殿門外迎駕起居再拜訖次有司引陪位官先詣殿下北向立禮直官引太常博士太常卿詣御幄前北向立第二日第三日准此禮直官引侍臣二員升殿詣聖祖天尊大帝聖像香案前東西相向對立侍臣酒畢其接盃侍臣一員詣地西廊西向立如該陪位中隨班赴殿陪位立班即引進茶酒侍臣一員詣中殿諸帝神御香案前第二日引侍臣二員詣後殿元天大聖后東向西向立內第向日引侍臣二員詣後殿元天大聖后聖前香案前東西相向立即引進茶酒侍臣一員詣後殿元天大聖后一員詣殿前西廊南向立即引進茶酒畢止於殿上侍臣神御香案前第三日即引進茶酒侍臣一員詣殿上侍臣立內第向日引侍臣二員詣後殿元天大聖后聖前香案前東西相向立即引進茶酒畢止於殿上侍臣立內第向日引侍臣二員詣後殿元天大聖后聖前香案前東西相向立即引進茶酒畢止於殿上侍臣

香案前西向立俟進茶酒畢止于殿上稍東西向立陪位文武官入詣殿下北向

立定俟皇帝乘輦入樞星門至齋殿降輦步至天興殿

東廡御帳簾降閣門官于帳前相向立閣門報班齊禮

直官太常博士引太常于御帳前俛伏跪奏稱太常卿

臣某言請皇帝行恭謝之禮奏訖伏興奏禮畢簾捲太

常卿閣門官太常博士禮直官前導皇帝升詣殿上褥

位西向立凡行禮皆太常卿開門官太常博士禮直官前導至位即分立於左右太常卿

奏請拜皇帝再拜贊者曰拜在位官皆再拜訖前導官

前導皇帝詣聖祖天尊大帝聖像香案前褥位北向立

內侍奉香太常卿奏請上香再上香三上香內侍以茶

酒授侍臣侍臣西向跪以進又奏請皇帝跪進茶進酒

再進酒三進酒以授侍臣侍臣置于聖祖天尊大帝位

前又奏請俛伏興又奏請拜皇帝再拜贊者曰拜在位
官皆再拜訖前導官前導皇帝還褥位西向立奏請拜
皇帝再拜贊者曰拜在位官皆再拜訖前導官前導皇
帝還御幄簾降太常卿奏禮畢訖行事前導陪位官等
先詣中殿立班如前殿儀俟皇帝詣中殿御幄簾降閣
門報班齊禮直官太常博士引太常卿于御幄前俛伏
跪奏稱太常卿臣某言詣皇帝行恭謝之禮奏訖伏興
奏禮畢簾捲太常卿問門官太常博士禮直官前導皇
帝升詣殿上褥位西向立太常卿奏請拜皇帝再拜贊
者曰拜在位官皆再拜訖前導官前導皇帝詣宣祖皇
帝神御香案前褥位北向立內侍奉香太常卿奏請上
香再上香三上香內侍以茶酒授侍臣侍臣西向跪以進

又奏請皇帝跪奠茶三奠酒俛伏興又奏請皇帝再拜
贊者曰拜在位官皆再拜訖次詣太祖皇帝太宗皇帝
真宗皇帝仁宗皇帝英宗皇帝神宗皇帝哲宗皇帝徽
宗皇帝欽宗皇帝神御香案前行禮並如上儀訖前導
官前導皇帝還褥位西向立奏請拜皇帝再拜贊者曰
拜在位官皆再拜訖前導官前導皇帝還御幄簾降太
常卿奏禮畢訖陪位行事前導應奉官以次退皇帝歸
齋殿以俟還內如來儀依已降指揮爲第二日詣後殿
回入祥殿殿門
元天大聖后聖像前進酒行禮如前殿聖祖位前行禮
之儀次詣昭憲皇后孝明皇后懿德皇后明德皇后元
元德皇后章穆皇后章獻明肅皇后章懿皇后慈聖光
獻皇后神御香案前行禮並如中殿儀訖退以俟還內

第三日詣後殿宣仁聖烈皇后欽聖憲肅皇后欽成皇后欽慈皇后昭慈聖獻皇后昭懷皇后顯恭皇后顯肅皇后顯仁皇后神位香案前行禮并如第二日詣諸后位前行禮儀訖退以俟還內如來儀恭謝太一宮儀前期儀鸞司張設大次于東夾廊門外又設褥位于靈休殿本命殿上之東西向本宮陳香案香爐匙合花瓶等各于神位之前設褥位于香案之前儀鸞司又設從駕臣僚并陪位前導官于宮之內外其日皇帝服靴袍出內即御座鳴鞭行門禁衛諸班親從等諸司祇應人員以下于後殿各自贊常起居次從駕臣僚并應奉官及管軍于後殿起居如閤門儀訖先退以俟從駕俟皇帝自後殿乘輦出和寧門將至太一宮前導官於太一宮

樞星門內迎駕起居再拜訖先詣靈休殿禱位前北向
立閣門官分立于左右俟皇帝乘輦入樞星門至大次
降輦閣門太常寺分引從駕臣僚入詣靈休殿下北向
立皇帝步由太一宮東廊便門升靈休殿東側階詣殿
上禱位西向立定太常卿奏請拜皇帝再拜贊者曰拜
在位官皆再拜訖次前導官前導皇帝詣五福太一神
像香案前奏請皇帝三上香又奏請拜皇帝再拜贊者
曰拜在位官皆再拜訖次前導官前導皇帝詣君基太
一太遊太一小遊太一天一太一地一太一四神太一
神基太一民基太一直符太一香案前上香再拜並如
上儀訖前導官前導皇帝還禱位太上卿奏請拜皇帝
再拜贊者曰拜在位官皆再拜訖以俟詣本命殿燒香

佛應門

寶光卷之三

中興禮書第四十二卷

吉禮四十二

郊祀奏謝

紹興十三年十月二十六日禮部太常寺言勘會將來郊祀大禮禮畢依禮例合擇日奏謝諸陵昭慈聖獻皇攢宮永祐陵攢宮今欲乞候禮畢從太常寺依御札降奏告禮例擇日關報所屬排辦內諸陵乞于法惠寺設位行禮仍乞關大宗正司差南班宗室二員行禮詔依奏

奏謝諸陵改行禮用十月二十六日戊子

十一月五日御藥院奏契勘昨在京日郊祀大禮畢奏謝諸陵并在京宮觀寺院及外州軍等處香表昨緣紹興四年明堂大禮于當年八月二十准入內省帖更不降

香道場候車駕還闕日令入內內侍省依例施行當時
本院依聖旨指揮祇排辦過奏謝萬壽觀昊天玉皇上
帝真宗皇帝章惠皇后溫成皇后香表所有今來奉迎
景靈宮會聖宮章武殿諸神御已到行在奉安并祐永
陵攢宮昭慈聖獻皇后攢宮其排辦郊祀大禮畢奏謝
香表伏乞敷奏施行兼契勘見排辦香表內香以降真
香三兩充取進止詔依在京日例餘依奏

六日禮部太常寺言勘會紹興十年明堂大禮畢祭謝
五嶽四海四瀆所有今來郊祀大禮畢欲依近御札降
祭告禮例其路通去處齋降香祝前去逐處祭所有未
通去處亦乞依禮例于行在設位闕報所屬排辦祭謝

詔依

路未通去處于望祭齋宮設位祭謝
行禮日用十一月二十一日癸卯

同日禮部太常寺言勘會紹興十年明堂大禮畢比附
皇祐西鎮故事降御封香祝祭謝南鎮會稽山本處守
臣一面擇日行禮吏部差小使臣一員降香祝并應合
排辦事件從太常寺依祭謝五嶽四海四瀆禮例關報
所屬排辦所有今來郊祀大禮畢欲乞依上件禮例祭
謝南鎮會稽山其合行事件乞依紹興十年禮例施行
詔依

自是至淳熙
三年並同

十二月二十四日禮部言准都省批送下萬壽觀會聖
宮章武殿申勘會十一月二十九日降到郊祀大禮畢
奏謝萬壽觀會聖宮章武殿并啟運宮聖像帝后神御
香表一十四位赴遂殿收已管訖即未審合與不合依
昨在温州日恭謝體例令臨安府選日差官致齋排辦

酌獻酒果等如今後或有降到慶謝等香表亦乞依此
體例施行後批送禮部勘當申尚書省尋下太常寺據
本寺申今來大禮畢依已恭謝景靈宮欲乞止令本殿
官燒香行禮畢監焚表文如日後有降到慶謝香表亦
乞依此施行詔依

十六年六月二十五日都省劄子勘會今來郊祀大禮
合行排辦事務與前次大禮事體一同詔並依紹興十
三年已降指揮施行本寺檢照郊祀大禮畢合奏請諸
陵行禮據太史局申宜用十二月二十三日戊午吉

年用二月二十七日二十二年用十二月十九日二十
五年用十二月二十一日二十八年用十二月二十六
日乾道元年用正月二十八日是年添祭期要務皇祐
橫宮六年用十二月十九日九年用十一月二十九日
熙寧三年用十一月十八日祭謝五嶽四海四瀆行禮用十二月二十

日乙卯吉

十九年閏十二月二十一日二十二日
二月二十二日二十五日十二月二十六日

日二十八
年三月
月十六
日十九
年三月
月十九
年三月

用三月二十二月十九日溥請降香表祝文幣帛酒果脯醢

等及降香表祝文奏謝昭慈聖獻皇后攢宮永祐陵攢

宮及祭謝外路嶽鎮海漬並如紹興十三年之制

中興禮書第四十三卷

吉禮四十三

郊祀雜錄

紹興十三年八月七日禮部太常寺言昨紹興十年明
堂大禮前一月教習侍祠執事朝臣應奉人係作樂教
習所有今來郊祀大禮并朝獻景靈宮朝饗太廟欲乞
依上件禮例作樂教習詔依自後逐郊儀此

同日禮部太常寺言勘會紹興十年明堂大禮踏逐到
法惠寺前一月教習執事宗室侍祠朝臣應奉人係儀
鸞司臨安府釘設排辦幕次椅卓翰林司供應茶湯所
有今來郊祀大禮踏逐到法惠寺教習其合用幕次椅
卓等乞令儀鸞司臨府翰林司排辦供應詔依後至二年十八年

六月二十四日禮部太常寺言今來法惠寺改作懷遠
 警場等約二千餘人委是人家別無寬濶可以教習去
 處為緣懷遠驛見今空閑欲乞應別教習如至期若有
 親貢人使到驛相妨即乞於禮部貢院教習王善言今
 十一月十七月十一日禮部中丞魏德初奏禮部貢院
 未教今所已罷見今禮部大樂與禮書局人將來侍祠
 執事官等習儀不致閑快
 國懷詔依自後逐郊做此

十日禮部太常寺言昨紹興十年明堂大禮習儀受誓
 戒五使按雅樂并按嚴更警場依例百司各作休務一
 日所有今來郊祀大禮并朝獻景靈宮朝饗太廟習儀
 誓戒五使按雅樂并按嚴更警場欲乞依例百司各作
 休務一日詔依郊自後逐郊做此

同日禮部太常寺言昨紹興十年明堂大禮五使就法
 惠寺按雅樂并就尚書省按嚴更警場及習儀日分並

卷四十三

差撥前一月赴寺詔依

自後逐
郊做此

十九日禮部太常寺言昨紹興十年明堂大禮正習儀
日設爵站帶篚幣用悅巾充代樂止用祝敔所有今來
郊祀大禮并前二日朝獻景靈宮前一朝饗太廟正習
儀日乞依上件禮例詔依

自後逐
郊做此

二十三日禮部太常寺言在京每遇大禮前一日差官
較祭經由新城門所有今來郊祀大禮欲乞依禮例差
官較祭利涉門其合用牲牢禮料祝文等乞從太常寺
具合用數牒所屬排辦內合差獻官一員亦乞令太常
寺前期申請朝廷差官詔依

九月二十七日禮部太常寺言勘會今來郊祀大禮

車駕指青城依已降指揮較祭利涉門所有行事官等
前一日宿齋去處并合用神廚畢數屋欲乞並于利涉
門裏側近崇禧院充宿齋等處其合用華次什物等
乞令臨安府專並街前排辦詔依

自後逐郊做此內利

涉門二十八年
更名曰嘉門

同日禮部太常寺言昨紹興十年明堂大禮前一月定
日於踏逐到寺院教習執事宗室侍祠執事朝臣并應
奉人令皇城司差約欄親事官一十人節級一名所有
今來郊祀大禮合差約欄親事官欲乞依禮例下皇城
城司差撥詔依自後諸郊做此

二十五日禮部太常寺言今條具到合行事件下項

一在京每遇大禮習南郊儀於本壇習景靈宮并太廟
儀並於尚書省所有今來郊祀大禮習儀去處欲乞依
上件禮例 一昨紹興十年明堂大禮習景靈宮太廟
儀於尚書省其合用慢道係臨安府委官計會修築仍
限大禮前一月畢備所有今來郊祀大禮尚書省習儀

合用慢道欲乞依禮例施行仍依限畢備詔依

自後述郊做此

二十六日禮部言據太常寺申勘會依本寺大禮格合
支破行遣紙札等內申奏池表紙三百張大抄紙一千
五百張表紙一千五百張三抄紙一千七百張筆五千
管墨五錠朱紅三兩依紹興十年明堂大禮例內除筆
墨不曾比勘外其紙禮朱紅並以三分減一分批勘了
當契勘今年係行郊祀大禮應合行典禮皆如舊例比
之紹興十年明堂大禮事務不同并添置官祭樂舞全
籍紙札行遣使用今來若止依紹興十年明堂大禮例
支破紙札朱紅二分委實使用不足今欲乞除筆墨更
不批勘外其紙札朱紅乞並依大禮格批勘後批送禮
部指定申尚書省勘會太常寺主行今年郊祀大禮事

務比之昨來紹興十年明年大禮委是增重所乞依格

支破紙札朱紅本部今指定欲興紹興十年明堂大禮

例更增半分作二分半下所屬批勘應副使用詔依後自

逐郊做此至隆興二年以後裁減止支申奏紙二百張大抄紙一千張本紙一千張三抄紙八百張

二十八日禮部太常寺言勘會自來冬祀大禮畢除節

假外作歇泊休務假三日所有今來郊祀大禮畢欲乞

依上件禮例詔依郊自後比

九月十五日閤門言奉聖旨郊祀大禮圓壇行禮令御

史臺太常寺閤門於十月初先往彼相視閱習

十九日禮部太常寺言勘會自來行遣應奉大禮文字

太常卿使臣正副禮直官贊者職級手本各日支筆墨

錢一百文貼書十五文自御札降日支禮畢日住支並

不理次數人厝批勘緣今來創行郊祀大禮應干典禮
事務並係太常寺討論申請排辦及修建圓壇制度申
請絞縛青城添置樂工鼓吹人物比之逐次明堂大禮
委是增添事務數倍文字繁劇即與其他官司事體不
同今相度欲乞從太常寺具見今行造大禮文字人姓
名報所屬批勘各人日支筆墨錢一百文內貼書減半
並不理為次數仍乞自卻札降日支禮畢日住支詔令
戶部支給兩月

自後逐年以後支給此至隆興

十月三日禮部太常寺言勘會將來郊祀大禮臣僚從
駕詣景靈宮太廟并導駕詣青城如前項日分內或值
雨雪降許令臣僚等各施雨具導從詔依

自後逐年以

十五日禮部太常寺言勘會在京每遇大禮其太常寺

贊引使臣禮直官各支破升壇淨衣係入厝批勘左藏庫夫羅絹各一匹竊緣今來郊祀大禮並依在京舊例兼今來使臣禮直官人數不敷伏乞朝廷指揮施行詔依在京例

自後逐年以郊祀此至隆興二年以後減羅一匹

十六日詔郊祀大禮應行事執事官等務在嚴肅如有

懈怠不恭令閤門取旨送御史臺

自後逐年詔

十一月七日尚書省言勘會今來兩降儀仗難以露地排立已降指揮令儀仗使火急行下隨宜避雨竊慮少得屋宇應副詔令殿前司馬步軍司火急於排立儀仗去處多用兵募均布釘設應副執儀仗人避雨毋令失所

八日幹辦御藥院江謏傳聖旨指揮閤門下項 一值

雨望祭殿行禮若雨止行禮如何取太常寺狀 一端
誠殿稱賀值雨特免 一駕回免奏萬福免步導 一
依十年明堂例文德殿宣赦 一駕回不該帶花臣僚
免從駕 一乘道遙子還內就青城放仗先次施行
同日御史臺言勘會今月八日圓壇行禮畢車駕自青
城還所有輦輅前騎導駕官值雨霑濕已降指揮許施
雨具外所有步導官如值雨降霑濕未有該載明文伏
乞速賜指揮施行詔免步導

十二月九日禮部太常寺言伏見今來郊祀大禮皇帝
前期齋於正殿聖心虔誠未齋前令尚食進素膳敕戒
攸司各務恭肅前二日皇帝朝獻景靈宮前一日朝饗
太廟車駕至逕處樞星門外並却織扇既入門即降輦

步至齋殿及太廟行禮酌獻至徽宗室感咽涕泣還至版位淚猶未止有司請還小次弗許端立版位直至禮畢迨赴青城更不乘輦步出廟門徑升玉輅上件事跡伏乞宣付史館以彰聖孝詔依

十九年十月五日閣門言將來郊祀大禮每日未行事前宰臣以下起居問聖體并晚朝詔依例放

並降詔依例放自乾道九年以後皇太子為班首

十一月二十四日禮部太常寺言恭親皇帝飭精意於郊裡嚴孝思於宗廟大報成禮天人交歡舊儀乘輿直至齋殿茲者朝獻朝饗皇帝纔至櫺星門降輦步行趨齊殿惟謹禮設小次用備憇息以須終亞獻行禮茲者太廟圓酌裸畢奏請歸小次皇帝端袞竚立益加嚴恪

仍宣押樂太常卿徐其音奏勿令損節朝饗之夕至徽
宗室皇情感惻泣下沾襟內侍屢進中帕由是侍祠百
執事莫不聳動當大慶殿齋宿之初陰靄彌空垂欲下
雨及皇帝清曉駕出閭闔層陰解駁晨曦赫然建于太
廟圓壇行事之際不惟皓月流空星宿明潤乃至迥野
無風萬籟收息天氣晏溫樂聲和暢及御端肆赦有彩
雲見於端門及直於雞竿之上都臣士庶觀者如堵萬
口一詞讚嘆歡喜間有耆老或紀戊申南郊之年甫期
晴霽氣令如春八十年來始有今日莫不舉手加額咸
慶中興之盛謹具述上件實蹟伏望敷奏宣付史館以
垂無窮詔付史館

同日太史局令胡平言今具下項十一月十二日聖駕

詣景靈宮行禮於十一日夜陰雲濃厚將欲雨降至未
明前皇帝登輦出內天氣開晴見帝座及三台體明耀
是為祥應十三日卯時後陰霧四垂至辰時後車駕至
青城陰霧收斂太陽光盛及登壇行事畧無風色燭焰
不動至禮畢天氣澄肅星月明瑩速回鑒肆赦有紅青
紅黃彩雲在其上皆為祥應之象訖宣付史館詔依
二十二年十一月二十五日少保觀文殿大學士充萬
壽觀使兼侍讀郊祀大禮禮儀使秦熈言今月十七日
伏睹皇帝陛下親饗太廟至徽宗皇帝室永懷先烈淚
落入俎暨還版位侍臣進巾沾灑不已又申飭太常勿
減樂節雖請還小次而聖躬益莊拱立以俟禮成熈叨
想盛儀瞻仰聖孝乞宣付史館詔依從來體例施行

二十七日禮部太常寺言恭親皇帝敕身齋戒饗帝郊
邱精誠感通休應並見舊儀朝饗乘輿至齋殿降輦今
茲纔至樞星門微繼去扇步趨齋殿惟謹小次之設用
備甜安以俟亞獻終獻行禮今茲郊廟祿獻畢請歸小
次皇帝凝旒秉圭以俟成禮仍宣押樂太常卿勿令損
節音奏至徽宗室感動天顏淚落入俎內侍進巾至版
位未止將事群臣惻愴動心前期齋宿太慶殿風雲飛
揚諸神受記至獻饗景靈宮太廟天宇清廓日星呈祥
升壇行禮皓月澄空衆星拱極微風不動光景肅然及
御端門大赦天下祥雲瑞靄映日彌空萬姓觀瞻歡欣
鼓舞咸謂十九年郊祀正如今日由是年穀屢豐干戈
載戢仰見一德昭格天心垂祐我宋永永無疆之意伏

望敷奏宣付史館以垂無窮詔依從來禮例施行

二十五年十二月一日太史局令胡平言今來大禮差平充奏祥瑞官今具祥瑞下項十一月十六日聖駕宿殿其日早晨雖微雨至宿殿之時却晴乃為瑞象十一月十七日聖駕詣太廟雲色稍退漸次晴明乃為瑞象十一月十八日聖駕詣青城雲色稍退至二更一點後雖有微雨候至四更四點後雲間見星月乃為瑞象詔付史館

二十八年十一月二十六日特進尚書左僕射同中書門下平章事大禮使沈該左正奉大夫守尚書右僕射同中書門下平章事禮儀使湯思退言恭覲郊祀大禮前期教日風雲飛揚微雨灑道及皇帝陛下齋宿太慶

殿其曰百官班庭下雲色忽開豁然晴霽至郊邱竣事
日景益暎溫精誠感通休應並見皇帝親饗太廟至嚴
宗皇帝室聖孝罔極墮淚飲泣暨還版位沾灑不已將
事群臣莫不感愴郊廟裸獻畢當御小次屢請弗從端
冕秉圭以俟成禮登壇之際皎月初升天宇清廓星斗
彪列光景肅然及御端門肆大赦祥雲捧日瑞日之光
正臨黼帳萬姓觀瞻歡呼鼓舞仰見聖德昭格天地並
貺無疆之休垂億萬年臣等叨想盛儀獲覩非常之慶
不敢嘿伏乞聖慈宣付史館詔依

隆興二年十二月二十二日權工部侍郎兼皇子鄧王
府贊讀兼權禮部侍郎何補等言勘會將來郊大祀禮
畢回鑾依禮例賜花綠今降指揮導駕官並常服導駕

今欲乞自端誠殿稱賀畢並簪花導駕至麗正門權去
花俟肆赦立班訖自祥曦殿簪花從駕至德壽宮上壽
訖簪花從駕還內詔依

乾道三年
大禮依此

二十九日御藥趙志忠傳聖旨指揮閤門今來郊祀大
禮輦輅前導駕官每令壅遏

乾道元年正月二日少保尚書左僕射同中書門下平
章事兼樞密使陳康伯左通議大夫參知政事兼權知
樞密院事錢端禮左中大夫同知樞密院事兼權參知
政事虞允文端明殿學士左朝奉大夫簽事樞密院事
王剛中言臣等恭覩郊祀大禮皇帝宿齋之日通夕太
雪聖心憂勤昭格上下翌日親饗原廟天宇開霽雲物
清明正月朔日且有事圓邱星緯燦然和氣充塞上帝

博臨允彰德應尋准學士院咨報欲於赦文內具載其實即具奏聞蒙宸翰批出不許宣告仰惟陛下謙冲退託休祥嘉應不以自居小心翼翼根於誠明至於躬執圭幣自初獻至於燔燎不還小次拱立惟謹皆人君之至德也臣等叨近列獲觀盛事鋪張竝休揚勵顯績乃其職分欲望聖慈特許宣付史館以垂示萬世取進止詔依

三年十一月一日太常寺言所有今來郊祀大禮若值雨欲乞並依紹興十三年已降指揮禮例施行詔依若

至時雨霽行禮

是夜二更雨降望祭行禮

六年五月三日臣僚劄子奏臣伏惟陛下遙追祖宗之遺典三歲一郊見上帝必精意以饗幾昭格於穹用敷

錫福於萬邦非率然而為之也臣竊聞之每遇大禮凡所湏之物自金帛外如竹木油蠟漆炭下至麻粃羊毛之屬其數動以萬千計有司但依例拋降近處州郡收買州郡則責辦於屬邑則取足於平民並不支還價直又輦運所費不貲交納之際老姦宿贓邀阻乞取靡所不至人受其弊無不怨嗟何以上副陛下事神恤民之誠意臣竊謂以天下之大三歲一舉希闊之典豈不能捐十數萬緡錢選清疆官於近便去處置場和買或許客旅販賣依時價交易嚴立賞罰革絕姦弊變怨嗟為謳歌如此則人悅而天意得和氣不召而自至矣陛下如依臣言為然乞令有司措置條具施行詔依十月十三日新除權禮部尚書兼權給事中劉章等言

已降指揮郊祀並用五輅大安輦一如舊儀今勘會將來郊祀大禮端誠殿稱賀畢依紹興二十八年禮例皇帝服通天冠絳紗袍乘大輦還內導駕官並朝服導駕外所有其餘合簪花應奉官等並合簪花至麗正門其合立班官並常服以俟肆赦立班并依乾道三年已降指揮肆赦畢自祥曦殿並簪花從駕至德壽宮上壽訖簪花從駕還內今欲乞並依前項禮例詔依

自後
依此
郊

自祥
曦殿
簪花
改

十一月臣僚劄子伏見郊祀前陰雨連日自皇帝致齋酌獻景靈宮天宇澄霽霏煙瑞霧環繞殿楹回鑒太廟又兩百官攸司惕焉以憂至夜漏四刻陰雲頓開星斗燦然行朝饗之禮焉明日駕如青城亦晴道旁觀瞻甚

盛已而雲煙霏微凍雨還作將祭之夜駕幸大次更衣
數星燁然現于雲表及登壇樂作四郊雲陰尚盛獨歲
星中天靈光下燭終禮成不雨行禮之次夏官巡仗至
城門兩大注獨泰壇無有祥異卓然實聖上夤恭祇畏
格于上下天意昭答乞宣付史館以彰聖德詔宣付史
館

同日新除軍器監兼權兵部郎官韓玉言奉差點檢巡
視郊祀大禮一行儀仗於今月四日自酉點已來巡仗
天忽作雨比及禁門皇帝於太廟行事之時雨歇雲霽
星辰滿空至五日皇帝宿壇是夜於嘉會門西通衢中
巡仗初鼓後嘉會門裏外注雨大作回至郊壇左右百
步內無雨及回嘉會外本直其雨五鼓方止此可見皇

帝聖德昭格上帝垂享玉幸忝朝路親覩其事不敢不言謹直書其畧欲望數奏頒付史館紀此一時之盛以傳無窮詔宣付史館

九年十一月四日詔今來郊祀大禮圓壇行禮畢端誠殿稱賀令太史局免奏祥瑞

八日內侍李思恭奉聖旨指揮閣門御史臺太常寺今月八日為值雪導駕官免步導及免奏升降敕侍臣上馬并往端誠殿准此

淳熙十二年九月十三日起居舍人李岷劄子奏臣聞禮莫重於祭祭莫大于郊蓋郊者天子之所親祠而百官有司尤宜祇敬而不敢忘也故敬心存于中則誠意達于上苟惟外有疲隨之容內有慢易之心物雖多而

神弗蠲矣臣竊見郊禋之際命官行事或環列壇垓或周布營壝或執事登降或陪祠左右皆所以尊天禮神然贊導之吏利于速集往往先引就位以侍行禮漏下或數十刻尚未及期立俟既久筋力有限徒倚疲頓或至倒側及當行禮多不如儀肅敬之誠何自而生恐未足以仰承陛下欽崇寅畏之心臣愚欲望聖慈行下有司將來祀禋如引行事管官雖在事前亦須稍近行禮之時方令就位不得多經時刻使至疲頓務在肅敬無或惰慢庶幾可以盡事神之禮而不失重祠之意詔依十一月十三日監察御史謝鶚奏臣愚不肖職在禮察竊覩彈奏條有大禮兩項內愿文武百官不嚴不恪立班交語側身相揖以及衛士諸司言辭喧囂乖違儀式

之類悉合彈奏今來大禮在近伏見初六日於尚書省習太廟儀時雖微雨旋即開霽因得從容夫何百官執事未及歸班未唱禮畢未曾躬身虛揖未唱班退而諸廳隨行人從群眾開然而起盡行衝散當此之時紛擾不辯多有官員回避不及顛仆於地僅免踐踏謂之習儀而所習未全其所謂闕然者雖有皇城司兵士號為彈壓而倉卒之間寡不足以敵衆莫知姓名無從根究朝市傳之無不怪駭至初九日在麗正門外習肆赦儀天晴人樂初亦齊整拜舞之後百官尚未復歸東西立班其兩畔即已闕然而起行禮方畢東西立班者未退忽有皂衣頭帽之人數十輩奔走衝突遂使百官失措顛倒衣裳比於初六日又有甚焉臣竊謂當此盛時欣

遇大禮陛下精勤恭欽有司奉行不敢不加肅潔中外
拭目無不聳瞻而班列之間乃有不嚴如此不可不行
措置緣隨行人從群衆往往恃其所轄之官有權勢者
因敢凌轢無復忌憚况所差皇城司兵士止有二十人
未能足用臣愚欲乞睿慈特降指揮自今大禮以及將
來一應禮儀百官立班於未退已退之間許御史臺密
竊識認仍每番增差皇城司兵士共五十人彈壓遇有
隨行人從群起衝突即收執送大理寺根究施行如皇
城司兵士客從亦須懲戒庶得禮儀之處本末如一而
百官無衝突顛仆之患謹具覺察以聞伏候勅旨詔依
郊祀大禮皇帝一次升壇行禮

淳熙十二年九月十一日得旨宣諭宰執郊祀大禮圓

壇遵依開寶九年一次升降禮部太常寺檢照開寶九年三月二十三日中書門下言皇帝四月四日有事於南郊請前二日致齋於天福殿其日升壇奠玉幣訖不降壇便奠爵及讀冊文從之禮寺今稟知將來郊祀大禮依開寶九年三月二十三日典故一次升壇行禮

一次升壇行禮儀注

祀日丑時七刻前五刻

行事用丑時七刻

諸與祀及陪祠之官

各服其服皇帝自齋殿服通天冠絳紗袍乘輿以出撞景鐘至大次降輿入次簾降景鐘止行事執事陪祠官入就位禮儀使樞密院官太常卿閤門官太常博士禮部直官分立於大次外之左右禮部侍郎奏中嚴少頃奏外辨禮儀使當次前俛俯跪奏禮儀使臣某言請皇

帝行事奏訖俛伏興還侍位

禮畢使此奏

簾捲皇帝服大

裘袞冕以出禮儀使以下前導至壇中壝門外殿中監

跪進大圭奏請執大圭前導皇帝入自正門宮架樂作

至午階下版位西向立樂止禮儀使以下分立奏有司

謹具請行事宮架樂作六成止升煙燭牲首瘞血奏請

拜皇帝再拜贊者曰再拜在位官皆再拜內侍各執樂

匱悅中以進宮架樂作奏請皇帝搢大圭盥手內侍進

槃匱沃水皇帝盥手內侍進巾皇帝悅手訖奏請皇帝

執大圭樂止前導皇帝升壇宮架樂作至壇下樂止升

自午階登歌樂作至壇上樂止登歌樂作殿中監跪進

鎮圭奏請搢大圭執鎮圭前導皇帝詣昊天上帝神位

前北向立內侍先設繅藉於地奏請跪奠鎮圭於繅藉

執大圭俛伏興又奏請拜皇帝再拜訖幣皇帝受玉幣

奠訖奏請執大圭俛伏興又奏請拜皇帝再拜訖樂止

前道皇帝詣皇祇次詣太祖皇帝次詣太宗皇帝神位

前此位並東向奠玉幣行禮樂作樂止並如上儀此位不前

導皇帝詣壇上版位登歌樂作至版位西向立樂止禮

部戶部尚書奉遵豆俎入正門宮架樂作奉奠訖樂止

俱降復位內侍各執槃匱帨巾以進宮架樂作奏請皇

帝搢大圭盥手內侍進槃匱沃水皇帝盥手內侍進巾

皇帝悅手訖奏請皇帝洗爵吏部侍郎進爵內侍沃水

皇帝洗爵內侍進巾皇帝拭爵訖樂止奏請執大圭吏

部侍郎受爵詣酌尊所良醑令酌著尊之醴齊前導官

前導登歌樂作皇帝詣昊天上帝神位前北向奏請搢

大主跪執爵祭酒奠爵執大主俛伏興又奏請皇帝少立樂止讀冊官讀冊訖又奏請拜皇帝再拜訖前導皇帝詣皇地祇次詣太祖皇帝次詣太宗皇帝神位前酌獻行禮樂作樂止並如上儀前導皇帝還壇上版位登歌樂作至版位西向立樂止文舞退武舞進宮架樂作舞者立定樂止禮直官太常博士引亞獻盥洗升壇行禮訖降復位次引終獻升壇行禮並如亞獻之儀奏請皇帝詣飲福位登歌樂作將至飲福位樂止皇帝至飲福位北向立登樂作奏請拜皇帝再拜訖奏請搢大主跪受爵三祭酒於地啐酒奠爵受俎奠俎授棗黍奠黍豆再受爵飲福酒奠爵執大主俛伏興又奏請拜皇帝再拜訖樂止前導皇帝降壇登歌樂作至壇下樂止宮

架樂作至版位兩向立樂止禮部尚書徹運豆戶部尚書徹俎登歌樂作卒徹樂止俱降復位禮直官曰賜昨行事陪祠官拜贊者承傳曰賜昨再拜在位官再拜訖送神宮架樂作一成止奏請皇帝詣望燎位宮架樂作至位南向立樂止禮直官曰可燎舉燿火以炬燎半柴又奏請詣望瘞位前導皇帝詣望瘞位宮架樂作至位北向立樂止禮直官曰可瘞舉燿火奠土半坎禮儀使奏禮畢前導皇帝還大次宮架樂作出中壝門外奏請釋大圭殿中監跪受大圭皇帝至大次樂止禮部郎中奏請解嚴皇帝服通天冠絳紗袍乘大輦以出撞景鐘還端誠殿景鐘止皇帝常服出升御座皇太子百官立班稱賀如儀畢所司轉伏衛還途如來儀禮部侍郎奏

稱賀如儀畢所司轉伏衛還途如來儀禮部侍郎奏中
嚴少頃奏外辦皇帝服通天冠絳紗袍乘輿至金輅所
侍中奏請皇帝降輿升輅有司具大輦若乘輿參知政事
奏進發車駕動又奏請少駐勅侍臣上馬又奏請進發
車發至麗正門入門樂止侍中奏請皇帝降輅乘輿若
乘即奏乘輿歸惺次禮部郎中奏解嚴

中興禮書第四十四卷

吉禮一

明堂御札

明堂大禮光堯壽聖憲天體道性仁誠德經武緯文太
上皇帝紹興元年九月十八日四年九月十五日七年
九月二十二日十年九月十日三十一年九月二日今
上皇帝淳熙六年九月十六日九年九月十三日明堂
御札

紹興元年五月十二日勅内外文武臣僚等朕荷天之
休為帝所子肇稱吉禮已見於三歲之郊載致彛章當
間以九筵之祀因秋成物輯古上儀會天地以同裡升
祖宗而並配庶盡誠於眇質用祈福於黎元朕以今年

九月有事于明堂咨爾攸司各揚厥職相予肆祀罔或不恭故茲札事想宜知悉

四年四月二十日勅内外文武臣僚等朕享帝以誠為民徽福顧時難備物訂郊報之未遑然禮有從宜用宗祈之繼舉將合祛於天地仍並侑於祖宗即三歲之當祠裒百神而咸對顯益會稽之近制率循皇祐之前規庶格精禋克臻嘉貺朕以今年九月有事於明堂咨爾列位庀厥攸司相予祀事之恭毋怠官常之責故茲札示想宜知悉

七年四月八日勅内外文武臣僚等朕荷三靈之祐思報本以薦誠蒙列聖之休當奉先而追孝乃虔修於大享將卜用於杪秋雖亮陰不言適在親祠之歲而越紼

行事宜遵制禮之權祈為黎元輯茲祉福惟漢世明堂之建受記嘗格於諸神而周家宗祀之修秉德實資於多士爰敷大號式戒先期朕以今年九月有事於明堂咨爾攸司各揚厥職相予肆祀罔或不恭故茲札示想宜知悉

十年四月十五日勅内外文武臣僚等朕圖濟艱難賴眷佑於天地欽承繼序荷詒燕於祖宗必修報本之義以盡其誠必極奉先之禮以致其孝爰因歲之彛制申講九筵之上儀祇飭精衷冀格于上下祈蕃祉以燕及於邇遐歲事有賴於庶工助祭實來於四海宜頒渙號用戒前期朕以今年九月有事于明堂咨爾攸司各揚厥職相予肆祀罔或不恭故茲札示想宜知悉

三十一年四月三日勅内外文武臣僚等朕荷三靈之
右序蒙列聖之燕貽夙展郊禋屢輯合祛之典間修宗
祀以崇陟配之文廼卜杪秋恭行大享念孝莫大於嚴
父唯上帝之居歆而禮尤在於成民豈眇躬之微福庶
獲天人之助永儲宗社之休茲戒先期宜敷大號朕以
今年九月有事于明堂咨爾攸司各揚其職相予祀事
罔或不恭故茲札示想宜知悉

淳熙六年四月四日勅内外文武臣僚等朕參稽禮文
鋪究古制圓壇八陛雖茂展于欽柴明堂九筵亦間行
於嘉享重循寡德祇荷慈謀屬茲三歲之期當舉一純
之祀夜觀房宿之象旦閱奉高之圖愧于菲躬曠是懿
典况今景緯循軌嘉生遂宜幽明統和中外寧謐宜乘

亨美之會庶答神靈之休是用遠稽皇祐之書近述紹興之制因秋成物事嚴天地之禋遵國彛章並陟祖宗之配誕敷大號明戒先期朕以今年九月有事于明堂咨爾攸司各揚其職相予祀事罔或不恭故茲札示想宜知悉

九年四月四日勅内外文武臣僚等朕承燕翼之謀履重華之運維上下神祇之事疇敢不盡其虔維祖宗功德之傳疇敢不嚴其報歷稽累聖之制率用三年之祠爰自纘承靡忘順迪崇崇泰時已五舉於明禋穆穆總章祇一親於嘉享今者四鄙寧謐三辰昭華朝綱清夷國勢安重維邦有慶豈朕實能是用順今之宜循古之典憲乾度房星之位規汶陽玉帶之圖被涓崇筵哀對

上帝陟配二后殿延群神上以昭答宏休默通於精意
下以導迎善應永迓於康年明戒先期亶孚有衆朕以
今年九月有事于明堂咨爾攸司各揚其職相予祀事
罔或不恭故茲札示想宜知悉

中興禮書第四十五卷

吉禮四十五

明堂議禮一

紹興元年二月三日禮部尚書秦檜等言准尚書省劄子禮部狀據太常寺申檢准大禮令節文諸親祠壇殿上供御之物盤匱法物之類大禮年正月寺官同提照壇廟祭器官雅飾儀仗法物祭器使臣檢視若有損壞修換勘會建炎二年郊祀合祭天地大禮本寺催促所轄大樂法物祭器庫朝服法物庫般取到登歌大樂法物祭器禮神真玉儀仗百官頭冠朝祭服等應奉已畢昨因渡江散失無餘緣今年係大禮年分乞詳酌申明今勘會大禮或行郊祀或行明堂或行祫饗合取旨半

年前降御札約束兼合行典禮多事之際理合討論正月十四日奉聖旨令禮部本寺官同共討論合行是何典禮聞奏臣等伏覩建炎二年恭行郊祀之禮于揚州城內之東南隅是時壇壝制度與夫衣服器皿之類悉已不能如禮明年二月渡江國步愈艱而今歲復當恭行郊祀竊惟大報天地重禮而貴誠今典策散亡禮文缺絕倘欲循祖宗之定規舉太平之盛典以今朝廷之勢論之其有不暇明甚然或以謂祀者國之大事雖當多難之時不可盡廢而於郊祀明堂祫饗之間取其簡易可行者行之姑致其不敢廢禮之意爰命有司同加討論臣等謹按冬祀大禮神位六百九十行事官六百七十餘員而鹵簿儀仗輿輦宮架祭器法服散失殆盡

及景靈宮太廟行事與登門拜告等禮不可悉行至於
祫享親詣宗廟行禮又不及天地唯時宗祀明堂似乎
簡易苟朝廷深原禮意采先儒之說漢孝武孝章之制
而畧其嚴父之文志存享帝而不拘於制度之末獨明
堂之禮尚或可舉然而事大體重更乞博采群議審擇
其中至於參稽沿革討論典禮真有司之職也臣等敢
不奉詔奏聞有詔依奏令禮部御史臺太常寺條具合
行事件申尚書省

十六日手詔禮神者莫尚於親祠尊祖者尤嚴於陟配
朕紹膺帝命撫有邦國猥持眇末之資亟履艱危之會
自遭外侮罔獲寧居幅員歲蹂於腥羶生齒日罹於塗
炭念昭格既無於馨德唯誠祈致於精禋屬觀仁祖之

朝嘗頒皇祐之詔數諸儒循習之陋明二祭合祛之宜報功并及於后祇脩坐並升於列聖庶典交修而罔缺百神徧祀以無遺用克蒙休最為合禮肆朕郊丘之薦復茲歲籥之臨將以季秋之良展於重屋之邃爰刊近制憲用前規庶緣勅備之誠獲拜休成之貺朕將來宗祀明堂一遵用皇祐二年四月詔書合祭天地並配祖宗為民祈福可令有司參酌討論聞奏

三月二十八日勅尚書省送到刑部尚書兼權禮部尚書胡直孺等劄子伏准二月十六日手詔將來宗祀明堂一遵用皇祐二年四月詔書合祭天地並配祖宗為民祈福直孺等謹按百王之禮沿革不同然而祀天地於邱郊祀上帝於明堂祫享祖宗於太廟此三者萬世

不易之禮惟仁宗皇帝在位之二十八年改元皇祐是時元昊納款王則伏誅四方無虞萬物盛多神祇祖考無不安樂明年四月作明堂樂曲十一名文舞曰佑文化俗之舞武舞曰成功審德之舞九月辛亥大享于明堂時則合祭天地並配祖宗備禮百神據易之萃王假有廟致孝享用大牲之時皇祐為稱其辭曰觀其所聚而天地萬物之情可見矣故仁祖有禮緣人情之語而文彥博以仁祖為能達禮之情適禮之變由此觀之皇祐宗祀本非為萬世不易之禮也國朝配祀初無定制自英宗皇帝始專配以近考司馬光呂誨爭之以為絀祖進父然卒不能奪王珪孫抃之諂辭其後神宗皇帝謂周公宗祀在成王之世成王以文王為祖則明堂非

以考配明矣王安石亦對以誤引孝經嚴父之說惜乎
不能將順上意以辨正典禮今議者曰后稷為周之祖
文王武王是為二桃高祖為漢之祖孝文孝武特崇兩
廟皆子孫奉承不絕太祖功宜為帝者祖太宗真宗德
宜為帝者宗皇祐以一祖二宗並配議出於此
月手詔曰明堂之禮前代並用鄭康成王肅兩家義說兼祭昊天上帝已為變禮因創自祖宗以來三歲一親郊即稱係天上帝而百神從祀從太祖皇帝時皆合祭天地宗真宗皇帝祈穀二禮本無地祇位當時皆合祭天地期而祀宗並配而百神從祭昊天上帝今祀及明堂祇又當配生不反祖以爲民祈福若祭天而不敢祭地又祀祖宗不得偏配於義未安其將來親祀明堂亦宜親祭皇地祇奉太祖神靈之意如並配而五帝之神州地祇亦宜親獻之日月河海諸神悉如如國丘從祀之數以降地祇出級事人情爾今禮官習諳又上謂輔臣曰禮之非天降地祇出級事人情爾今禮官習諳又野之舊傳之祖孝文孝武特崇兩廟皆子孫奉承不絕太祖功宜為帝者祖太宗真宗德

祖功宜為帝者祖太宗真宗德宜為帝者
宋皇祐以一祖二宗並配其出於此也直孺等竊惟

太宗皇帝削平僭偽混一區宇真宗皇帝丕承基緒保
綏黎元二聖基命定命以德以功而謂當同為二祧並
崇兩廟考之周漢懼不相侔直孺等聞前漢以高祖配
天後漢以光武配明堂蓋古之帝王自非建邦啟土肇
造區夏者皆無配天之祭故雖周之成康漢之文景明
章其德業非不美也然而子孫不敢推以配天者避祖
宗也聖宋崛起非有始封之祖則創業之君太祖是也
太祖則周之后稷配祭於郊者也太宗則周之文王配
祭于明堂者也此二祭者萬世不遷之法皇祐宗祀合
祭天地園宜以太祖太宗配當時蓋拘於嚴父故配帝
并及於真宗今主上紹膺大統自真宗至于神宗均為

祖廟獨躋則患在於無名並配則幾同於祫饗又從祀百神在於明堂本非典禮或升或黜慢瀆為多今參酌皇祐詔書將來請合祭昊天上帝皇地祇於明堂奉太祖太宗以配天惟禮專而事簡庶幾可以致力於神明然後申飭攸司各揚乃職犧牲必成粢盛必潔衣服必備以盡其所以致力於神之意則一朝大典豈特於艱難之時情文粗稱雖萬世行之可也 又送到太常少卿蘇遲等言恭維主上以艱難之際清蹕東巡駐于會稽歲適當郊大懼天地百神祀事弗親祈報未盡乃降詔書推寅畏之誠心考皇祐之故事季秋大饗於路寢合祭天地並配祖宗圜丘方澤神位七百有餘舉祀不遺德意甚美然今常御殿東西兩廡神位布設已難況

悉舉七百餘位乎謹按景祐二年禮官言后稷為周之祖文王武王是謂二祧高祖為漢之祖孝文孝武特崇兩廟皆子孫世世奉承不絕我太祖功宜為帝者祖太宗真宗德宜為帝者宗三廟並萬世不遷皇祐間以一祖二宗並配議出於此今若列聖並侑於禮無據設以義起有黜有升聚訟之爭必不能已昔漢章帝宗祀五帝於孝武所作汶上明堂以光武配不拘嚴父之嚴嫌一遵顯宗之制次日更告祀高祖太宗世宗中宗世祖顯宗不徧及也其在今日竊謂宜用皇祐詔書之意采景祐禮官之請即常御殿南向西上設昊天上帝皇地祇神位西向北上設太祖太宗真宗神位於殿之東廡設圉丘第一龕九位於殿之西廡設方澤第一成一十

六位庶幾誠意可展儀物可備如以不徧及列聖為未足則大禮前一日有親詣太廟之文今神主在溫州竊恐當命大臣於某處攝行祀事或遣官恭詣溫州神主所祭告視漢章帝止告二祖六宗猶為詳備如以徧及百神為未足則請即行在所天慶觀於大享後擇日取祖宗大禮既畢恭謝之文亦命大臣簡其儀物而悉舉以告亦足以盡祈報之心也艱難之際廢禮則慢徧舉則泥謹因皇祐詔書就加裁損姑以盡事帝之心俟中原稍定建都有方別加討論以稱三年親祀之禮以為萬世之法庶盡其當詔令侍從臺諫集議指定限一日聞奏尚書省送到翰林學士汪藻等奏臣等竊惟國家三歲一郊間以明堂之祀厥有典常皇祐詔書所以

合祭天地並配祖宗者蓋有說焉當是時仁宗移大饗於當郊之歲則天地之祭不可以不合陛下建炎之初固已郊見上帝而合祭天地祇矣則今明堂於合祛之禮豈應復用乎宜如周之宗祀文王於明堂以配上帝而已漢魏以來始兼祀五帝而有六天之說國朝皇祐雖踵行之然王肅已能言其失禮至元豐間神宗皇帝親詔慨然罷之則明堂者專當祀上帝五帝不當祀也至於配坐則宜以祖宗並侑何以言之孔子稱郊祀后稷以配天宗祀文王於明堂以配上帝而我将祀文王之詩實在成王之世則嚴父為周公而言成王以祖配帝無可言疑者本朝祖宗功德與周不同太祖皇帝實兼后稷文王之事而混一區宇亦在太宗之時太祖雖

以配郊則今明堂之禮宜與太宗並配前古有行之者
唐永徽乾封用高祖太宗並配是也臣等伏請專祀上
帝餘如禮部所議為合典禮之宜 又送到右諫議大
夫黎確奏伏覩陛下以今歲季秋將大享于明堂謂祀
帝陟配國之大典詔頒皇祐禮文命禮官加討論猶以
為未也又令侍從近臣得以參議庶協厥中以格神休
示謹重之至也然臣聞禮本於人情適於物宜習之既
安行之已久不遽變也如禮部所定兼祀皇地祇於明
是增舊禮也臣僚欲去五帝之祀是損舊章也皇祐之
間時適隆盛脩禮多儀不以為過故有合祭天地之事
然非以為不利之典也自是之後郊祭明堂詳畧不同
可考而知矣則皇地祇之祭蓋可畧也國朝以來明堂

必兼祀五帝元豐雖曾削去後復行之則是神祇安此
享久矣而驟去之於理亦未宜也臣愚伏乞將來明堂
祀昊天上帝太祖太宗並配其五帝神位悉設如舊儀
追皇祐既已不及近本人情庶幾稍安苟欲質之經傳
以正禮文之失當俟他日未可輕議也臣鄙野凡下所
見狃陋徒知習之既安行之已久者以塞明詔至於去
取伏候勅旨 又送到殿中侍御史章誼等奏臣等竊
見胡直孺等奏乞參酌皇祐詔書請合祭昊天上帝皇
地祇于明堂奉太祖太宗以配蘇轍等謂宜用皇祐詔
書之意采景祐禮官之請祀昊天上帝皇帝祇以太祖
太宗真宗配仍設圓丘第一龕方澤第一成神位臣等
熟考二議雖各有據然稽之經旨則未合參之典故則

未盡施之事帝則未為簡嚴有是三者誠未足以隆一代之彌文而垂萬世之軌則也臣等竊詳明堂之議實本於我將之詩與孔子宗祀之說蓋言周之配天於郊既以后稷而配上帝於明堂當以文王二祀異宜不容並配今國家既以太祖配天於郊比周之后稷則太宗宜配帝於明堂以比周之文王功德世序兩適相當今禮官乃欲以祖宗並配此臣等所謂稽之經旨則未合者也臣等竊見仁宗皇祐二年始行明堂合祭天地並配宗宗乃一時變禮至嘉祐七年再行宗祀已悟皇祐之非乃罷並配仍徹地祇之位故有去並侑煩文之詔至嘉祐末仁宗升祔之初英宗命集議錢公輔以謂聖宋崛起非有始封之祖則創業之君遂為太祖矣太祖

則周之后稷配祭於郊者也太宗則周之文王配祭于明堂者也二配者至重至大萬世不遷之法也真宗則周之武王也雖有配天之功而無配天之祭未聞成王以嚴父之故廢文王配天之祭而移之於武王也仁宗則周之成王也雖有配天之業而無配天之祭未聞康王以嚴父之故廢文王配天之祭而移之於成王也臣等謂如嘉祐之詔則太祖地祇已不與如公輔之論則太宗獨配為合於禮今禮官等議乃欲合祭天地並配祖宗此臣等所謂參之典故則未盡者也臣等觀先王制禮各有所宜郊祭天地百神徧舉固不敢簡宗廟祫饗列聖並祀亦不敢畧至於明堂獨祀上帝配以一宗示以簡嚴亦不可瀆故元豐是正祀典詔曰歷代以來

合宮所配既紊於禮至雜先儒六天之說朕甚不取於是悉罷羣祀今禮官議欲以圓丘方澤之神並行從祀此臣等所謂施之事帝則未為簡嚴者也臣等伏見陛下建炎之初郊祀昊天上帝嘗奉太祖以配矣將來明堂大享宜專祀昊天上帝而以太宗配則於經旨為不悖於典故為可稽於事帝為簡嚴而不瀆庶幾仰稱陛下夤恭宗祀之意臣等未學輒以所聞上備採擇詔依禮部所議

中興禮書第四十六卷

吉禮四十六

明堂議禮二

紹興四年正月二十七日禮部言據太常寺申檢會紹興元年正月十四日尚書省劄子節文勘會大禮或行郊祀或行明堂或行祫享合取旨半年前降御札約束今來係大禮年合行典禮多事之際理合討論奉聖旨令禮部太常寺官同共討論合行是何典禮聞奏本寺契勘前次大禮係討論議定行明堂大禮其今年係大禮年分伏取朝廷指揮詔令禮部太常寺官限十日同共討論合行是何典禮奏聞

三月十三日禮部侍郎陳與義言臣竊考國家大祀天

子躬行者有南郊有明堂有祫祭有恭謝古者為郊之制在國南五十里蓋謂國都之南也陛下駐蹕於此非建都之地置設壇壝固無其所建炎戊申舉是禮於維揚者是時以火德嗣興大統復集即位之初不可以不見帝以禮從權非必襲用而况鹵簿儀物渡江散盡疆陲戎事歲晚多虞則南郊之禮在於今日固不敢輕議者也國步未定之際奉安廟祔權在永嘉既已累年若欲移徙以便親祀懼失在天神靈之意則祫祭之禮在於今日不可行者也陛下躬履多虞嚴恭寅畏方與萬姓請命于天用實而去文有祈而無報則恭謝之禮在於今日不可行者也搢紳儒生又有為柴望之說者以謂雖祖宗未之或行而今日可以肇修臣嘗考之其禮

出於書之舜典本為巡狩之用而周室行之見於時邁
告祭之詩其說詳於孔穎達之疏指為封禪之事而漢
光武用之著於泰山刻石之文陛下遭時艱故遵養東
南修政理戎俟天悔禍舉茲大禮唯務於誠豈可託巡
狩告至以有辭乎又況柴望之祭不及祖宗所用時日
亦當有據若一切損益之則安用柴望之名哉然則柴
望之禮於今日亦不可行者也臣愚不足以議大典竊
謂唯明堂之禮有西漢武帝汶上之制紹興元年實已
行之若再舉而行適宜於今事無戾於古典或謂自維
揚南郊之後至於今日再遇當郊之歲不可以喻六年
而不郊以臣考之郊之疎數本無定制真宗自景德二
年祀南郊至祥符七年而始祀東郊則九年而後再郊

寶彝堂

矣仁宗皇祐五年祀南郊嘉祐元年行恭謝禮四年行
祫祭禮七年行明堂禮則踰九年而不再郊矣踰六年
而不郊非所疑也或以周公嚴父之文為疑則既有治
平中司馬光呂誨之議又有熙寧中神宗之聖訓與王
安石之說足以破萬世之惑矣臣請推廣而益明之按
孝經注及禮記明堂位篇蓋周公攝政嘗行明堂之禮
故在周頌其清廟之序曰周公既成洛邑朝諸侯率以
祀文王焉至於烈文而下則皆成王即位之詩也而我
將之序曰祀文於王明堂由是觀之則周公攝政之時
成王即位之後皆以文王是周始封而祀之於明堂周
公所舉之禮則為嚴父成王所舉之禮則非嚴父矣孝
經周頌兩不相違此聖經之明文見在方冊非出後世

諸儒穿鑿之論今不稽用成王之禮而專執周公之禮而疑之不亦惑歟周公嚴父之文非所疑也或以並配之禮為疑蓋紹興元年禮官之議以謂皇祐之時四方無虞萬物盛多神祇祖考莫不安樂是以於明堂合祭天地並配祖宗此蓋其說不盡不能推明所以變禮之意是以致衆人之疑謹按皇祐詔書其畧曰國朝自祖宗以來三歲一郊今祀明堂正當三歲親郊之期而禮官所定配坐不及祖宗宜並配以稱朕恭事祖宗之意蓋太祖則周之后稷當配祭于郊者也太宗則周之文王當配祭于明堂者也郊當祭太祖而以當郊之歲舉明堂之禮則不可以遺太祖而不祭稽之神理本之人情則皇祐詔書之本意可以為萬世不刊之典豈特以

四方無虞萬物盛多而舉此哉並配之禮又非所疑也
若乃神位儀物損益多寡之數更合再加斟酌以盡今
日情文之宜 又送到太常丞詹公薦太常博士劉登
奏臣等赴禮部集議各有異論續准禮部牒檢准崇寧
在京通用令諸事下侍從若省臺寺監官司定者限十
日集議三十日申奏即議有異者聽別為一狀勘會元
降聖旨係令禮部太常寺官限十日同共討論今年合
行是何典禮聞奏今來集議討論未定既各有異見自
合各狀具奏牒臣等疾速施行臣等契勘郊祀明堂國
之大事二禮在常時所宜間舉今鑒輅時巡猶在外服
國步尚艱庶事草創不惟典章刳缺器服散失難舉盛
禮緣駐蹕之地恐非卜郊之所竊考古之巡幸自非封

禋告成未有行郊祀者如漢光武孝章二時巡狩不過祀明堂而已今歲大禮若且祀明堂實得權時之義謹接近制郊祀專祀昊天配以太祖明堂專祀上帝配以太宗今親祀難偏於兩郊祫享尚遠宗廟即紹興元年合祭天地於明堂而以太祖太宗並配雖非正禮然於祀為兼舉於禮為簡當今來若行明堂亦乞依此施行昔光武中興定都洛陽明年立郊兆于城南七年始行配祀之禮誠以郊祀一代彌文不容輕議也陛下將舉盛儀宜有所待願詔有司權依紹興元年已行之禮俟將來恢復中原躬見郊廟復如舊制臣等末學不敢立異姑陳管見伏候勅旨又中書門下省貼黃稱紹興元年止設四位百神即不曾從祀皇祐詔書兼祀百神

詔依將來行明堂大禮其合行禮儀令有司條具限一月奏聞

四月六日禮部太常寺言今具合行禮儀下項 一乞以明堂大禮為稱 一昨明堂大禮左僕射誓行事執事陪事祠官於尚書省刑部尚書泣誓今欲乞依昨來禮例施行 一檢會大禮令殿上下撤去黃道褥褥入殿門不張蓋百官不得回班御燎從物繖扇更不入殿行禮前衛士不起居呼萬歲讀冊官讀冊至御名勿興今欲乞並依上件令文施行詔依後皆依此其各詳見本門行禮同日臣僚上言伏見近降聖旨將來明堂大禮合行禮儀令有司條具限一月聞奏臣仰惟陛下自登大寶遭時多艱憂勤焦勞力期戡定方與黎庶請命于天故於

親祠所不敢廢臣聞禮莫重於祭祭非自外至由中出生於心者也古者掃地而祭非有繁文末節一本乎誠而已經曰黍稷非馨明德惟馨語曰禮云禮云玉帛云乎哉故神靈為之歡歆而福祐以之降格不誠而徒備物未有能動者也陛下臨御以來見之詁言施之詔令所以鼓動天下未嘗不本於誠矧祀為國之大事欲上天悔禍將戢干戈橐弓矢底於綏靖則夫飭躬齋戒以交神明誠心固自內著臣恐禮官百司不能仰體聖意講求之際尚循承乎故事名物失於太縛且先王制禮隆殺視時今鑒輅所駐庶事多闕顧於彌文自難具舉天地祖宗唯饗陛下之誠伏望詔三省俾有司參酌損益務崇簡儉勿為無益徒有耗費庶幾稱陛下欽祀天

地以實而不以文乃為盡善詔依奏仍令禮部太常寺
同共限十日條具聞奏

禮部太常寺條具裁
省事件各詳見本門